



Broj: 04-11-3-2674-2/2022
Hadžići, 07.04.2022. godine

Na osnovu člana 6. Pravilnika o utvrđivanju uslova, kriterija i postupaka za ostvarivanje prava za subvencioniranje i dodjelu steonih junica i na osnovu Sporazuma zaključenog između Općine Hadžići i humanitarne organizacije „MUSLIM AID“ Sarajevo kojim su osigurana sredstva 80% i vlastitog učešća korisnika 20% u cilju osnaživanja korisnika na području Općine Hadžići, broj: 04-11-3-2674/2022 od 17.03.2022. godine Općina Hadžići raspisuje:

JAVNI POZIV za podnošenje zahtjeva za dodjelu steonih junica

I PRAVO UČEŠĆA

Pravo na učešće u Projektu imaju fizičke osobe čije je prebivalište na području općine Hadžići, a posebno prioritetne kategorije stanovništva - nezaposlene osobe i one koje su otpuštene od strane poslodavca čije je poslovanje bilo ugroženo u toku trajanja pandemije izazvane koronavirusom (COVID-19), a imaju vlastito poljoprivredno zemljište u površini od 5 dunuma ili zemljište uzeto u zakup najmanje na 5 godina i adekvatan štalski objekat lociran u blizini stambenog objekta u kojem podnosilac zahtjeva stanuje.

II USLOVI

Podnosioc zahtjeva treba da ispunjava slijedeće opće i posebne uslove:

1. OPĆI USLOVI:

- Da ima prebivalište na području općine Hadžići;
- Da posjeduje vlastito poljoprivredno zemljište ili zemljište uzeto u zakup u površini od minimalno 5 (pet) dunuma;
- Da posjeduje vlastiti štalski objekat adekvatan za smještaj grla ili uzet u zakup u mjestu prebivališta i/ili u neposrednoj blizini mjesta stanovanja;
- Da će sufinansirati 20% od nabavne cijene steone junice (oko 800,00 KM).

2. POSEBNI USLOVI:

- broj članova zajedničkog domaćinstva,
- broj nezaposlenih punoljetnih članova zajedničkog domaćinstva,
- broj izdržavanih članova zajedničkog domaćinstva,
- period proveden na Birou za zapošljavanje - podnosioca zahtjeva,
- članovi porodice šehida i poginulih boraca, RVI, pripadnici OSBIH, raseljena lica, logoraši, samohrani roditelji, podnosilac zahtjeva osoba životne starosti do 40 godina,
- štalski objekat (zoo higijenski i zootehnički uslovi u štali, brojčano stanje),
- socijalni aspekt (stanje na terenu, imovno stanje, opći dojam i sl.)

III KRITERIJI ZA DODJELU STEONIH JUNICA

1. broj članova zajedničkog domaćinstva;
2. podnosilac zahtjeva nezaposlen (vrijeme provedeno na birou za zapošljavanje);
3. izdržavani članovi zajedničkog domaćinstva (nezaposlene osobe koje se ne nalaze na evidenciji Službe za zapošljavanje Kantona Sarajevo, djeca, učenici i sl.);
4. punoljetni nezaposleni članovi zajedničkog domaćinstva koji se nalaze na evidenciji Službe za zapošljavanje Kantona Sarajevo;
5. podnosilac zahtjeva član porodice šehida, poginulih boraca ili nestalih, RVI, pripadnik OS BiH, ima priznat status povratnika, raseljenog lica, logoraša, samohrani roditelj, osoba životne starosti do 40 godina.
6. pogodnost smještajnog kapaciteta štalskog objekta i brojčano stanje grla u štali;
7. a) socijalni aspekt – iznos primanja po članu domaćinstva,
b) stanje na terenu i opći dojam,
c) podnosilac zahtjeva otpušten od strane poslodavca čije je poslovanje bilo ugroženo u toku trajanja krize/pandemije izazvane koronavirusom (COVID-19), te je podnosilac zahtjeva i dalje na evidenciji Službe za zapošljavanje Kantona Sarajevo.

Komisija će službenim putem od strane nadležne službe za upravu Općine Hadžići zatražiti podatke za kandidate da li su članovi porodičnog domaćinstva korisnici prava po osnovu boračko-invalidske zaštite, zaštite civilnih žrtava rata, imaju priznat status raseljenog lica ili su povratnici.

Kada kandidati pri bodovanju imaju isti broj bodova, prednost će imati kandidati koji imaju višečlanu porodicu i veći broj nezaposlenih članova u porodici.

IV POTREBNA DOKUMENTACIJA

Podnosioci zahtjeva trebaju priložiti sljedeću dokumentaciju, redosljedom kako je navedeno:

1. **Obrazac za prijavu na Javni poziv za dodjelu steonih junica (info pult ili web stranica Općine Hadžići);**
2. **Dokaz o mjestu prebivališta (CIPS-ova prijava ne starija od tri mjeseca);**
3. **Vlasništvo nad parcelom (kopija ZK izvadka ili Posjedovnog lista) ili ovjeren Ugovor o zakupu poljoprivrednog zemljišta sa kopijom ZK izvadka ili Posjedovnog lista, na minimalno 5 godine;**
4. **Ovjereni izjava da posjeduje štalski objekat u svom vlasništvu ili uzet pod zakup u mjestu prebivališta i/ili u neposrednoj blizini mjesta stanovanja;**
5. **Ovjereni izjava o brojčanom stanju grla u štali;**
6. **Ovjereni izjava da će korisnik podsticaja dobijeno grlo u vlastitom uzgoju zadržati najmanje 3 godine od dana potpisivanja Ugovora, u protivnom snositi će sve troškove nabavke grla;**
7. **Ovjereni izjava da će sufinansirati 20% od nabavne cijene steone junice (oko 800,00 KM);**

8. Ovjerena kopija lične karte podnosioca zahtjeva;
9. Ovjerena kućna lista (šalter sala Općine Hadžići);
10. Dokaz o nezaposlenosti svih punoljetnih članova zajedničkog domaćinstva (uključujući i podnosioca zahtjeva ako je isti na Birou) izdat od Biroa za zapošljavanje (Služba za zapošljavanje Kantona Sarajevo);
11. Potvrde iz škole/fakulteta za djecu/izdržavane članove domaćinstva;
12. Dokaz da je podnosilac zahtjeva demobilisani borac (Uvjerenje-vojna evidencija Hadžići);
13. Dokaz da je podnosilac zahtjeva otpušten od strane poslodavca čije je poslovanje bilo ugroženo u toku trajanja krize/pandemije izazvane koronavirusom (COVID-19), te je podnosilac zahtjeva i dalje na evidenciji Službe za zapošljavanje Kantona Sarajevo (Ugovor o prekidu radnog odnosa i potvrda sa Biroa za zapošljavanje);
14. Dokaz o visini primanja svih članova domaćinstva navedenih na kućnoj listi (za zaposlene – Uvjerenje/Potvrda izdata od strane poslodavca, za penzionere - kopija posljednjeg čeka od penzije ili potvrda izdata od strane banke preko koje prima penziju);
15. Dokaz da je samohrani roditelj (Uvjerenje socijalne službe).

Ukoliko komisija utvrdi nedostatak gore navedene dokumentacije (podebljane tačke 1. – 7.) kandidat će biti eliminisan iz dalje procedure odabira.

Potrebna dokumentacija (tačke 8. – 15.) služe za bodovanje po navedenim kriterijima za dodjelu steonih junica.

V PROCEDURA ODABIRA KORISNIKA

Proceduru vrednovanja i utvrđivanja rang liste, izvršiće Komisija na osnovu Pravilnika o utvrđivanju uslova, kriterija i postupaka za ostvarivanje prava za subvencioniranje i dodjelu steonih junica, koju imenuje Općinski načelnik.

NAPOMENA:

Obrazac zahtjeva i izjave se mogu preuzeti na web stranici Općine Hadžići ili na prijemnoj kancelariji Općine Hadžići i **zajedno sa dokumentacijom predati u zatvorenoj koverti na protokol Općine Hadžići sa naznakom „Za javni poziv za dodjelu steonih junica“.**

Sve dodatne informacije mogu se dobiti u Službi za privredu, finansije i inspekcijski nadzor općine Hadžići II sprat soba broj 204 ili na broj telefona 033/475-948 svakim radnim danom od 08:00-16:00 sati.

Nepotpuna, neuredna, netačna i neblagovremena dokumentacija neće se uzimati u razmatranje.

Javni poziv ostaje otvoren 15 (petnaest) dana od dana objavljivanja, odnosno do 22.04.2022. godine do 16,00 sati.

Dostavljeno:

1. Kabinet načelnika- web stranice: www.hadzici.ba;
2. Oglasna ploča Općine Hadžići;
3. Sekretari MZ x 3;
4. a/a.



Hamdo Ejlubović dipl.ing.maš.